



2021 йил 24 октябрь
Ўзбекистон Республикаси
Президенти сайлови куни



ХАЛҚ ДЕМОКРАТИК ПАРТИЯСИ ПРЕЗИДЕНТ САЙЛОВИ КАМПАНИЯСИГА КИРИШДИ



1918-yil
21-iyundan chiqq
boshlagan

№28, 2021-yil 28-iyul,
chorshanba (32.670)

Ijtimoiy-siyosiy gazeta

Barchaga g'amxo'rlik – davlatning burchi

Ўзбекистон ОҲВОЗИ



ОКтяБРГА ТАЙЁРГАРЛИК ҚИЗГИН, СЕНТЯБРГА-ЧИ?!

5

ТўЛИҚ ЖОРИЙ ЭТИЛМАЙДИГАН, БАРЧАНИ ҚАМРАБ ОЛОЛМАЙДИГАН ТАРТИБНИНГ КИМГА КЕРАГИ
БОР? ЎТГАН ЙИЛЛАРДА КўРДИККИ, ИЧКИ ЭҲТИЁЖЛАР ДАРАЖАСИДА НАМУНАЛИ МАКТАБ ФОРМАСИ
ИШЛАБ ЧИҚАРИЛИШИ ЙўЛГА ҚўЙИЛМАГАН. БУ ЙИЛ ҚАНДАЙ БўЛАДИ? ҲАР БИР ВИЛОЯТДА ЎНЛАБ
ҚУРИЛГАН "БАРАКА ЧЕВАРЛАР"ДА МАКТАБ ФОРМАСИ ЕТАРЛИ МИҚДОРДА ЗАХИРА ҚИЛИНДИМИ ЁКИ
ТЕНДЕРДА ЮТГАН БИР ФИРМА БУ ИШ БИЛАН ЯККАШ ШУҒУЛЛАНАЯПТИМИ? НЕГА ШУНАҚА «СОҚҚА»-
ЛИ НУҚТАЛАРДА МАХФИЙЛИК КўП?..

Мамлакатимизда пандемия бошлангандан бери
коронавирусдан кунлик касалланиш бўйича энг юқори
антирекорд қайд этилди

◆ 2021 йил 26 июль ҳолатига кўра, Ўзбекистонда коронавирус инфекцияси
қайд этилганлар сони **125784 (+789)** нафарни ташкил этмоқда.

◆ Бундан ташқари, кеча кун давомида **521** нафар кишида пневмония аниқланди.

1 USD = 10670.00
+12.65

1 EUR = 12571.39
-1.09

1 RUB = 144.50
+0.59

1 GBP = 14702.19
+2.51

1 JPY = 96.89
+0.28

1 CHF = 11619.30
+4.93

Ўзбекистон Халқ демократик партияси
Марказий Кенгашининг IV пленуми Тошкент шаҳрида
чақириладиган бўлди.

28-iyul, chorshanba, 2021-yil.
№28 (32670)

**КЕЧА ЎЗБЕКИСТОН ХАЛҚ ДЕМОКРАТИК ПАРТИЯСИ
МАРКАЗИЙ КЕНГАШИ ИЖРОИЯ ҚЎМИТАСИНING
КЕНГАЙТИРИЛГАН МАЖЛИСИ БЎЛИБ ЎТДИ. УНДА
ХАЛҚ ДЕМОКРАТИК ПАРТИЯСИНING ЎЗБЕКИСТОН
РЕСПУБЛИКАСИ ПРЕЗИДЕНТИ САЙЛОВИ
КАМПАНИЯСИДА ФАОЛ ИШТИРОКИНИ ТАЪМИНЛАШ
БИЛАН БОҒЛИҚ ДОЛЗАРБ МАСАЛАЛАР МУҲОКАМА
ҚИЛИНДИ.**



ХАЛҚ ДЕМОКРАТИК ПАРТИЯСИ

Президент сайлови кампаниясига киришди

Йиғилишда партия Марказий Кенгаши раиси Улугбек Иноятов партия ташкилотлари олдида турган долзарб вазифалар ҳақида маъруза қилди.

Таъкидландики, Ўзбекистон Халқ демократик партияси мустақил Ўзбекистон тарихидаги барча парламент ва Президентлик сайловида иштирок этган ягона сиёсий партиядир. Шунинг учун партиямиз Президент сайловида фаол қатнашиши бўйича биринчи бўлиб жамоатчиликка маълум қилган эди.

Октябрь ойида бўлиб ўтадиган сайлов аввалги сайловлардан тубдан фарқ қилади. Чунки, бугунги кунда сиёсий партияларнинг ҳокимиятга, ғоя ва мақсадларини амалга оширишга интилиши кескин кучайган. Сиёсий кураш ва рақобат майдонида фаолиятимизни янгича ғоялар ва стратегик мақсадлар билан кучайтиришимиз зарур, деди партия етакчиси.

Мажлисда Ўзбекистон Халқ демократик партиясининг 2021 йил 24 октябрда бўлиб ўтадиган Президент сайловида иштироки билан боғлиқ асосий тадбирларнинг календарь режаси, партиянинг марказий сайлов штаби, ваколатли вакилни белгилаш тўғрисидаги масалалар кўриб чиқилди.

Янгича сиёсий муҳитда ўтадиган сайловда партиянинг янги сиёсий рекламаси ва мафтункор имижини яратиш билан боғлиқ масала ҳам қизгин муҳокама этилди. Партия Марказий Кенгашида тузилган махсус ишчи гуруҳи бу йўналишда чуқур таҳлилий иш олиб борди, жаҳон мамлакатлари сиёсий партиялари тажрибалари ўрганилди, давлатчилик ва сиёсий мафкуралар тарихи тадқиқ қилинди.

Мажлисда ишчи гуруҳи партиянинг янгича сиёсий брендини яратиш, логотипини янгилаш бўйича амалга оширилган

“

**МАЖЛИСДА КУН
ТАРТИБИДАГИ
МАСАЛАЛАР
ЮЗАСИДАН
МУЗОКАРАЛАРДА
СЎЗГА ЧИҚҚАНЛАР
ПАРТИЯ ОЛДИДА
МУҲИМ ВАЗИФАЛАР
ТУРГАНИ, УЛАРНИНГ
ИЖРОСИНИ
ЮҚОРИ САВИЯДА,
УЮШҚОҚЛИК
БИЛАН БАЖАРИШ
ЛОЗИМЛИГИ, БУ
ЖАРАЁНДА ПАРТИЯ
АЪЗОЛАРИДАН
ҚАТЪИЯТ ВА
ФАОЛЛИК ТАЛАБ
ЭТИЛИШINI
ТАЪКИДЛАШДИ.**

ишлар хусусида маълумот берди. Янги Ўзбекистонда сиёсий жараёнларда катта янгиланишлар, ўзгаришлар рўй бераётгани, Ўзбекистон Халқ демократик партияси рақобат майдонида кучли позицияга эга бўлишга интиломда. Мутахассис ва экспертлар, фаоллар ҳамда фахрийлардан партиянинг кўп йиллик раҳбарларини ўзгартириш бўйича 30 га яқин



таклифлар олинди. Ишчи гуруҳ узоқ муҳокамадан сўнг танлаган таклифлар бўйича фикр-мулоҳазалар ҳам тингланди.

Мажлис иштирокчиларига тақдим этилган партиянинг янги логотип лойиҳаларидан бири параллелограмм шаклида бўлиб, бинафша рангда акс эттирилган, марказида "ХДР" деган ёзув оқ фонда ёзилган.

Рамздаги бинафша ранг – меҳр-оқибат, саховатлилик

рамзи бўлиб, етакчилар, лидерлар ранги ҳисобланади. Ушбу ранг партия ўз электорати вакиллари манфаатини ҳимоя қилишга, уларнинг орзу-интилишларини рўйбга чиқаришга ва қўллаб-қувватлашга доимо тайёр эканлигига ишорадир.

Мажлисда кун тартибидagi масалалар юзасидан музокараларда сўзга чиққанлар партия олдида муҳим вазифалар тургани, уларнинг ижросини юқори савияда, уюшқоқлик билан бажариш лозимлиги, бу жараёнда партия аъзоларидан қатъият ва фаоллик талаб этилишини таъкидлашди.

Яқунда 2021 йил 24 октябрда бўлиб ўтадиган Ўзбекистон Республикаси Президенти сайловида Ўзбекистон Халқ демократик партиясининг иштирок этиши мақсада мувофиқ, деб топилди.

Ўзбекистон Республикаси Сайлов кодекси 63-моддасига мувофиқ, Марказий сайлов комиссиясига Ўзбекистон Халқ демократик партиясининг Ўзбекистон Республикаси Президенти сайловида иштирок этиши юзасидан ариза билан мурожаат этиши тўғрисида қарор қабул қилинди. Партиянинг сайловда иштироки бўйича асосий тадбирларнинг календарь режаси тасдиқланди. Шунингдек, мажлисда Халқ демократик партиясининг ваколатли вакили белгиланди.

Ўзбекистон Халқ демократик партияси Марказий Кенгашининг IV пленуми Тошкент шаҳрида чақириладиган бўлди.

**Лазиза ШЕРОВА,
«Ўзбекистон овози» муҳбири.**

ТАШҚИ МЕҲНАТ
МИГРАЦИЯСИ АГЕНТЛИГИ
**НЕГА
БОҚИБЕҒАМ?**



Меҳнат муҳожирларнинг корона-вирус пандемиясидек оғир шароитларда яқин ва узоқ хориж мамлакатларда тирикчилик қилаётгани, айрим ҳолларда алданиб қолаётгани, натижада оғир қарздорлик гирдобига тушиб қолаётгани ҳақидаги хабарларга тез-тез дуч келаямиз. Айти хабарлар ижтимоий тармоқларда «тренд»га айланиб улгурди.

Ачинарлиси, кунни кеча давлат ташкилотлари орқали Россияга бориб, алданиб қолган 41 нафар мигрант ўзларининг аянчли шароити ҳақида видеомурожаат йўллашган. Маълум бўлишича, Ўзбекистон Ташқи меҳнат миграцияси агентлигининг Андижон филиали орқали Россияга бориб қолган фуқаролар филиал раҳбари Улугбек Йўлдошевга мурожаат йўллаб, ойига 33000-50000 рубль ваъда қилишгани, аммо кунлик даромадлари 120-130 рублдан ошмаётганидан шикоят қилишган. Афсуски, топилган маблағлар юртимиздаги қорақўз фарзандлари, оилаларига жўнатиш тугул, ётоқхонага, қорин тўйғазиларига ҳам етмаётгани, боз устига, қарздор бўлиб қолишаётганидан ёзғиришган.

Албатта, меҳнат муҳожирларининг эътирозидан жон бор. Чунки Ўзбекистон Республикаси Президентининг 2020 йил 20 августдаги «Хорижда вақтинчалик меҳнат фаолиятини амалга ошираётган Ўзбекистон Республикаси фуқаролари ва уларнинг оила аъзоларини ҳимоя қилиш кафолатларини янада кучайтириш чоралари тўғрисида»ги Фармони билан мамлакатимизда ташқи меҳнат миграцияси жараёнларини тартибга солиш, вақтинчалик меҳнат фаолиятини амалга ошириш учун хорижга жўнаб кетаётган фуқароларнинг ҳуқуқ ва манфаатлари ҳимоя қилинишини таъминлаш, уларга зарур ҳуқуқий, ижтимоий, ахборот-маслаҳат ёрдами кўрсатиш ва моддий қўллаб-қувватлаш зарурлиги белгиланган. 2021 йил 12 апрелда Вазирлар Маҳкамасининг тегишли қарори билан тасдиқланган «Ўзбекистон фуқароларига хорижий давлат ҳудудида яшаш учун маблағларисиз қолган тақдирда, молиявий ёрдам кўрсатиш тартиби тўғрисида»ги низомга мувофиқ, Ўзбекистон Республикасининг дипломатик ваколатхоналари, консуллик муассасалари орқали давлат бюджетидан хорижда яшаётган ва яшаш учун маблағсиз қолган Ўзбекистон Республикаси фуқаросига молиявий ёрдам берилиши тартиби ва шартлари батафсил ёритилган. Аммо тегишли давлат ташкилотлари меҳнат мигрантларига ёрдам бериш ўрнига уларнинг арз-додига тўраларча муносабатда бўлиб, уларни ўз ҳолига ташлаб қўймоқда.

Ўзбекистон Халқ демократик партияси Ўзбекистон Республикаси Бандлик ва меҳнат муносабатлари вазирлигини, унинг ҳузуридаги Ташқи меҳнат миграцияси агентлигини ва бошқа тегишли идораларни хориждаги ватандошларимиз тақдирига бефарқ бўлмаликка, уларга тегишли ёрдам кўрсатишга чақиради. Ўзбекистондек салохиятли мамлакат фуқароларининг хорижда сарсон бўлиши йўл қўйиб бўлмас ҳолат.

ЎзХДП нуқтани назарига кўра, келажакда ҳам мана шундай ҳолатларнинг юз бериши олдини олишнинг энг мақбул йўли – бу мамлакатимизда фуқаролар учун муносиб иш ўринларини яратишдир. Бу хориждаги меҳнат муҳожирлигини камайтиришнинг энг тўғри ва мақбул йўли. Қолаверса, ташқи меҳнат миграцияси жараёнларини такомиллаштириш, хусусан, хорижда ишлаётган фуқароларнинг ижтимоий ҳимояси ва бошқа ҳуқуқлари бўйича аниқ ҳаракатлар ва чораларни кўриш мақсада мувофиқ.

Ички бозорга ўз товарлари билан кирадиган миллий ишлаб чиқарувчиларнинг доирасини кенгайтириш соғлом рақобатни ривожлантиришга ёрдам беради. Бу ўз навбатида махсулот сифатини яхшилаш ва истеъмол нархларини барқарорлаштиришга, янги иш ўринларини кўпайтиришга хизмат қилади. Зеро, партиямиз ҳар бир шахс муносиб шароитларда меҳнат қилишининг тарафдори.

Ўзбекистон Халқ демократик партияси.

ШАҲРИСАБЗ ТУМАНИ УЧУН ИЧИМЛИК СУВИ ВА ОҚАВА СУВЛАРГА МАБЛАҒ АЖРАТИЛМАГАН

**Олий Мажлис
Қонунчилик
палатасидаги Ўзбекистон
Халқ демократик
партияси фракцияси
йиғилишида ҳукумат
ҳисоботи бўйича
муҳокама жараёнида
депутат Дилором
Имомова аҳолига
коммунал хизмат
кўрсатиш тизимида
амалга оширилаётган
ишлар ҳақида сўради.**

Жумладан, Давлат дастурининг 201-бандида йил давомида аҳолига коммунал хизмат кўрсатиш тизимини янада яхшилаш бўйича қатор вазифалар белгилаб берилган. Жумладан, Андижон, Наманган ва Фарғона вилоятларида аҳолиси 15 мингдан кам бўлмаган,

марказлашган ичимлик суви таъминоти етиб бормаган қишлоқ аҳоли пунктларини ижтимоий буюртма ичимлик суви билан таъминлаш вазифаси белгиланган. Яъни, умуман олганда олис ҳудудларни ичимлик суви билан таъминлаш бўйича янги механизмни жорий қилиш режалаштирилган. Мисол учун, давлат раҳбарининг Қашқадарё вилоятига ташрифидан сўнг Тикланиш ва тараққиёт жамғармаси маблағлари ҳисобидан 200 млрд маблағ Шахрисабз тумани учун ичимлик суви ва оқава сувларга ажратилиши керак эди. Лекин маблағ ажратилмаган. Бу каби ҳолатларнинг сабаби нимада?

Саволга Уй-жой коммунал хизмат кўрсатиш вазири ўринбосари Назиржон Назиров жавоб берди:

– Андижон, Наманган ва Фарғона вилоятларида аҳолиси 15 мингдан кам бўлмаган, марказлашган ичимлик суви таъминоти етиб бормаган қишлоқ аҳоли пунктларини ижтимоий буюртма ичимлик суви билан таъминлашга республика бюджетидан 14 млрд маблағ ажратиш

қўзда тутилган. Бугунги кунда ярим йилликда шу вилоятлар бўйича пудратчиларнинг белгиланган ўтказиб бўлинди. Йил якунигача, айниқса қишлоқ аҳоли пунктларини ичимлик суви билан таъминлаш давлат-хусусий шерикчилик асосида йўлга қўйилиши ишлаб чиқилади.

Қашқадарё, Шахрисабз ҳақида гапирадиган бўлсак, бу борада алоҳида дастуримиз бор. Қадам-бақадан барча вазифалар белгиланган. Бир неча ичимлик суви иншоотини қуриш зарурлиги боис катта маблағ талаб этилади ва ҳозирда молиявий манбалари устида иш олиб бориляпти.

Вазир ўринбосарининг айтишича, ушбу вазифа билан «Сув таъминот» акциядорлик жамияти шугулланмоқда ва йил якунигача аниқ режа белгиланади ва қўшимча равишда Олий Мажлисга бу ҳақда ёзма равишда ахборот киритилади.

**ЎзХДП Марказий Кенгаши
Ахборот хизмати.**



Ҳокимларга кенг ваколат берилганлиги, ўзи раҳбар бўлган ҳудуддаги фуқароларга ҳисобдор эмаслиги оқибатида уларнинг айримлари ўша ҳудудда ўзларини ҳокими мутлақ сифатида тутадиган бўлишди.

ҲОКИМЛАР САЙЛОВИ: тажриба-синовсиз хулосага кела олмаймиз

**Улуғбек Иноятوف,
Ўзбекистон ХДП
Марказий Кенгаши
раиси:**

— Ҳокимлар сайлови масаласида бирон-бир ҳудудда тажриба қилиб кўришимиз зарурлигига тўхталган эдим. Бу таклиф турлича талқин қилинди. Шунинг учун ушбу масалани кенгроқ тушунтиришга ҳарат қиламан.

Давлат бошқарувини ислоҳ қилиш янги Ўзбекистон олдида турган энг муҳим вазифалардан бири. Давлат бошқарувини чинакамга демократлаштириш ижтимоий-иқтисодий ривожланишнинг муаммоларини ўз вақтида аниқлаш ва самарали ҳал этишда долзарб аҳамиятга эга. Бу аҳолига сифатли хизмат кўрсатишни яхшилаш ва коррупциянинг кескин қисқаришига замин яратиш, ресурсларни тўғри йўналтиришга хизмат қилади.

Давлат бошқаруви идоралари ва ҳокимликларнинг тузилмаси тубдан такомиллаштирилиши, ходимлар сонининг мақбуллаштирилиши ҳамда бошқарув идоралари ҳар бир бўғинидаги раҳбар ва ходимларнинг ваколат чегараси аниқ белгилаб берилиши тараққиётнинг янги ҳосилига етаклайди. Бу, ўз навбатида, бир бирини такрорловчи ва ҳозирги кунда долзарб бўлмаган давлат функцияларини аниқлашга шароит яратди.

Тан олиш керак, кейинги йилларда давлат бошқаруви тубдан такомиллаштирилмоқда, ижро этувчи, қонун чиқарувчи ва суд ҳокимияти ўртасида ўзаро тийиб туриш, ваколатларни тақсимлаш тизими яратилди. Бош вазир ўринбосарлари, вазирлар ва давлат кўмиталари раислари номзоди Бош вазир тақдимида биноан Қо-

нунчилик палатаси томонидан маъқулланиши ва Президент томонидан тасдиқланиши тартиби белгиланди.

Шу билан бир қаторда Ҳукумат аъзолигига номзоднинг соҳани ривожлантириш бўйича яқин муддатга ва истиқболга мўлжалланган ҳаракат дастури билан депутатлар олдида чиқиш қилиш тартиби жорий этилди. Ҳукумат аъзосининг ўз ҳаракат дастури ижросини амалга оширишига доир масалалар юзасидан ахбороти Олий Мажлис палаталари, уларнинг кўмиталарида мунтазам эшитиб борилиши амалиёти йўлга қўйилди. Қонунчилик палатасида давлат бошқаруви органлари мутасаддиларининг ахборотини эшитиш бўйича “Ҳукумат соати”ни ўтказиб бориш ҳукумат аъзоларининг халқ вакиллари олдида ҳисобдорлигини таъминлади. Яъни, марказда бошқарувни янада демократлаштириш йўлида туб ислохотлар давом этмоқда.

Аммо бу жараён жойларда изчил тус олди, деб айта олмаймиз. Манфаатлар мувозанатини таъминлаш нуқтаи назаридан ислохотларни қўйишга тушириш вақти етди, назаримизда. Очиғини айтиш керак, халқ депутатлари Кенгашлари ҳокимларни, маҳаллий ижро идоралари фаолиятини таъсирчан даражада назорат қила олмапти.

Шунинг учун ҳам маҳаллий ҳокимлар сайлови ҳақида Президент Шавкат Мирзиёев 2016 йилнинг декабрь ойида «Келгусида биз маҳаллий ҳокимларни бевосита халқ томонидан сайлаш масаласи ҳақида ҳам ўйлаб, муҳокама қилиб кўришимиз керак. Ҳар бир ҳудуд ўз раҳбарини ўзи сайласа, раҳбарларнинг халқ ва жамият олдидаги масъулиятини кескин оширишга эришиш мумкин», дея таъкидлаган эди.

Ҳудудларда бошқарувни такомиллаштириш долзарб ва муҳим масала. Ҳокимларни сайлаш бўйича муайян ҳудудда тажриба-синов ўтказилиши халқимизнинг, айниқса, сайловчиларнинг катта қисмини ташкил этаётган ёшларнинг сиёсий-ҳуқуқий фаоллиги, ижтимоий кайфиятига ижобий таъсир кўрсатган бўларди.

Бу муҳим фикр сиёсий ислохотларга катта қорлов сифатида янграган эди. Ўтган давр мобайнида ушбу масала жамоатчилик томонидан фаол муҳокама қилиб келинапти, бироқ тизимли ва реал таҳлил кўзга ташлангани, жўяли хулосаларга келинганича йўқ.

Ҳокимлар сайланиши керак, бу — устувор демократик тамойил. Маҳаллий ижро органлари сайлови бугунги ислохотлар талаби.

Бу жамиятдаги ислохотлар жараёнига фақат ва фақат катта ҳисса қўшади. Аввало, аҳолининг ҳуқуқий ва сиёсий фаоллиги орттиришга муҳим таянч яратилади.

Кейинги пайтларда айрим маҳаллий “задагонларимиз”нинг хурмача қилиқлари ҳақида ижтимоий тармоқларда тарқалган турли гап-сўзлардан ҳаммамизнинг хаба-

римиз бор. Тўғри, уларнинг баъзилари нотўғридир, бироқ баъзилари асосли. Ахборот ошқоралиги замонда яшаётганимиз сабабли хабарлар тез тарқамоқда, жамият психологияси кўз олдимизда ўзгариб бормоқда, одамлар ноқонуний ҳаракатларга зудлик билан муносабат билдирмоқда. Бироқ айрим амалдорлар учун ҳамма нарса аввалгидек қолмоқда. Уларнинг тўраларча қарашлари одамларнинг норозилигига учрамоқда, жамиятдаги ижтимоий ислохотлар жараёнига салбий таъсир кўрсатмоқда.

Бугун ҳоким бир вақтнинг ўзида ҳам ижроия ҳокимияти, ҳам давлат ҳокимиятининг вакиллик органи бўлиши халқ депутатлари Кенгаши бошқаради.

Бу тартиб ўша йилларда, яъни мустақиллик йўлига энди қадам қўйган пайтимизда, ҳали маҳаллий бошқарувнинг мустаҳкам тизими шаклланмаган бир вақтда зарурий чора бўлган. Аммо ҳокимларга кенг ваколат берилганлиги, ўзи раҳбар бўлган ҳудуддаги фуқароларга ҳисобдор эмаслиги оқибатида уларнинг айримлари ўша ҳудудда ўзларини ҳокими мутлақ сифатида тутадиган бўлишди. Одамларни менсимаслик, ўз устидан назоратни йўқотиб, катта-кичик йиғилишларда ўзгаларни камситиш, ҳақоратлаш каби иллатлар баъзи бир ҳокимлар учун одатий ҳолга айланди.

Демократик мамлакатларда давлат бошқарувининг барча бўғинларида ҳокимиятлар бўлинишининг конституциявий тамойили ҳаётга жорий этилган бўлиб, ўзаро тийиб туриш ва қарши таъсир этиш тизими самарали амал қилади. Бу тизим манфаатлар мувозанатини сақлаб туришнинг муҳим омили саналади. Ўзаро тийиб туриш ва қарши таъсир этиш тизими жорий этилмас

экан, маҳаллий давлат бошқарувида том маънодаги адолат бўлишини кутиш мушкулдир.

Тўғри, масаланинг бошқа томони ҳам бор. Агар ҳокимлар сайланадиган бўлса, ҳудудларда чигаллик, тушунмовчилик ҳолатлари юз бериши мумкин. Вакиллик ҳокимиятининг назорат қилишга берилиб кетиши ижтимоий-иқтисодий ислохотларнинг натижадорлигига салбий таъсир кўрсатиши мумкин.

Аммо “мумкин”, деган эҳтимол билан бошқарувни ислоҳ этиш жараёнини тўхтатиб бўлмайди. Бу масалада аниқ таҳлил, хулосага асос бўладиган реал тажриба керак, деб ўйлайман.

Бунинг учун энг яқин ва хавфсиз йўл шуки, инфратузилмаси ривожланган битта ёки бир нечта шаҳар ва туманларда ҳокимларни сайлаш бўйича тажриба ўтказиш керак. Синаб кўрмагунимизча, бунга тайёр ёки тайёр эмаслигимизни била олмаймиз. Бу биринчи тажриба бўлади, хатолар ҳам бўлар, албатта, лекин секин-аста шу хатолардан сабоқ оламиз.

Фикримизча, фуқаролик жамияти айнан шу йўлдан бориши керак. Шунда депутатнинг мақоми ҳам ошади. Маҳаллий Кенгашларда партиялар йўналишларига мувофиқ равишда қарашлар ва фикрлар хилма-хиллиги юзага келади. Бундай муҳитда партиялар ўртасида ҳокимиятга интилиш бўйича ҳақиқий конструктив рақобат бошланади.

Ҳудудларда бошқарувни такомиллаштириш долзарб ва муҳим масала. Ҳокимларни сайлаш бўйича муайян ҳудудда тажриба-синов ўтказилиши халқимизнинг, айниқса, сайловчиларнинг катта қисмини ташкил этаётган ёшларнинг сиёсий-ҳуқуқий фаоллиги, ижтимоий кайфиятига ижобий таъсир кўрсатган бўларди.

ОСИЁ БИРДАМЛИГИ

ҲОЯСИ АМАЛГА ОШАДИМИ?

Яқин кўшничлик, дўстона ҳамкорлик, истиқболли лойиҳалар, асосийси, минтақада тинчлик ҳамда барқарорликни таъминлаш. Буларнинг барчаси 15-16 июль кунлари Тошкент шаҳрида Президентимиз ташаббуси билан ўтказилган “Марказий ва Жанубий Осиё: минтақавий боғлиқлик, таҳдидлар ва имкониятлар” мавзусидаги халқаро конференцияда атрофлича муҳокама қилинди.

Дунё ҳамжамиятининг диққат марказида бўлган мазкур анжуманда Афғонистон Ислон Республикаси Президенти, Покистон Ислон Республикаси Бош вазири, Марказий ва Жанубий Осиё давлатларининг ташқи ишлар вазирлари, жами 44 мамлакат ва 30 га яқин халқаро ташкилот делегациялари, нуфузли хорижий илмий-тадқиқот ва таҳлил марказлари раҳбарлари иштирок этди.

Иштирокчилар ушбу тарихий сана ҳамда унда кўтарилган масалалар икки минтақа давлатлари ўртасидаги муносабатлар, ўзаро ишонч ва ҳамжиҳатлик алоқаларини мустаҳкамлашга қаратилгани билан аҳамиятли эканини таъкидлади. Ўз навбатида, сиёсий доира вакиллари ҳамда кенг жамоатчилик анжуманининг истиқболдаги натижалари, бугунги аҳамияти хусусида ўз фикр-мулоҳазаларини билдирмоқда.

**Абул Калом АБДУЛ МЎМИН,
Бангладеш Халқ Республикаси
ташқи ишлар вазири:**

— Мамлакатларимиз ўртасидаги ҳамкорлик муносабатлари узоқ ўтмишга тақалади. Мен бу ҳақда Ўзбекистон давлати Президентига ҳам айтдим. Бангладешга борсангиз, у ердаги ҳар бир оила Заҳириддин Муҳаммад Бобур, Имом ал-Бухорий, Имом ат-Термизий ҳақида

билишини ҳис қиласиз. Тарихдан боғланган кўп қиррали ришталарни бугунги кун талабларига мос равишда жадал ривожлантириш ҳамда кенгайтиришимиз лозим. Бўлиб ўтган тарихий воқелик ва ундаги мулоқот ушбу илдишларни янада жонлантиришга хизмат қилишига ишонанам. Дарҳақиқат, узоқни кўзлаган тақлифлар ҳамда ташаббуслар билдирилди ва биз уларни қўллаб-қувватлаймиз.



**Рашид МЕРЕДОВ,
Туркменистон ташқи ишлар вазири:**

— Ўтказилган анжуман чин маънода тарихий воқелик саналади ва у бутун дунёга минтақамиз имкониятларини яққол кўрсатиб беришга хизмат қилди. Бу эса келгусида нафақат Марказий ва Жанубий Осиё, балки ер юзининг барча давлатлари билан ҳамкорлик масалаларини мустаҳкамлашга омил бўлади.

**Игорь КРУГОВИХ,
“Россия халқлари ассамблеяси” Бутунроссия жамоат ташкилоти раисининг ўринбосари:**

— Менимча, боғлиқлик ва ечим конференциянинг асосий вазифаси бўлиб хизмат қилди. Яъни, Марказий ва Жанубий Осиё ҳудудлари чегараларининг ўзаро алоқасини кучайтириш чоралари минтақада хавфсизликни таъминлаш масаласига ечим бўла олади. Негаки, барқарорлик бу — хилма-хил фикрлар бўлса-да, ягона мақсад ва ривожланиш сари интилиш, демакдир.

**Анвар ТЕМИРОВ,
Олий Мажлис
Қонунчилик
палатасидаги
Ўзбекистон ХДП
фракцияси аъзоси:**

— Халқаро анжуман доирасида кўплаб лойиҳалар, тадбирлар, учрашув ва музокаралар бўлиб ўтди — улар қанчалик турли мавзулар, ранг-баранг фикрларга бай бўлмасин, ягона бир нуқтада кесишади. Яъни, минтақада хавфсизликни таъминлаш истаги, орзуси — Тошкент конференциясида реал куч, амалий ҳаракатга айланганини кўрдик. Шу жиҳатдан ушбу лойиҳани Марказий ва Жанубий Осиё ўртасида, умуман, Евросиё маконида доимий ва барқарор ривожланишнинг муҳим омили сифатида баҳолаш мумкин. Ижтимоий-гуманитар тизим эса тинчликнинг бош томири бўлиб, унинг ривожланиши ҳар қандай сиёсий масалалар ва кучли ҳарбий соҳага тенглаша олади.

**Зилола
УБАЙДУЛЛАЕВА,
“Ўзбекистон овози”
муҳбири.**

Энг яхши профилактика бу соғлом турмуш тарзига риоя этиш. Тўғри овқатланиш – мева-сабзавотлар, шарбатларни кўп истеъмол қилиш, тоза ҳавода сайр қилиш, стресслардан сақланиш тавсия этилади.

ПНЕВМОНИЯ

«Covid» эмас...



АЙНИ КУНЛАРДА ПНЕВМОНИЯ ҲОЛАТЛАРИ КЎПАЙГАНИ ҚАЙД ЭТИЛМОҚДА. ЖАЗИРАМА КУНЛАРДА ТАНАМИЗНИ СОВУТИШ УЧУН МУЗДЕК СУВ ИЧАМИЗ, КОНДИЦИОНЕРЛИ ХОНАДА ЎТИРАМИЗ, СОВУҚ ДУШ ҚАБУЛ ҚИЛАМИЗ. НАТИЖАДА ШАМОЛЛАЙМИЗ, ШАМОЛЛАШ ЎПКАГА ЎТАДИ, ПНЕВМОНИЯ ТАШҲИСИ ҚЎЙИЛАДИ.



Вирусли пневмония авж олган пайтда зотилжам касаллиги билан оғриётганларда кўрқув пайдо бўлади: "Covid бўлдим шекилли...". **Шайхонтоҳур туман тиббиёт бирлашмаси кўптармоқли марказий шифохонаси оилавий шифокори Феруза Маҳмудова** пневмония – зотилжам касаллиги, ундан сақланиш, касаллик асоратлари ҳақида бизга гапириб берди.

– Ҳақиқатдан ҳам ёзнинг жазирама кунлари саломатлигимизга ўз таъсирини ўтказди. Юқори даражадаги иссиқ ҳаво турли касалликларни келтириб чиқаради. Буларнинг биттаси пневмония – зотилжам касаллиги. Айни пайтда бу касаллик аҳоли орасида кенг тарқалаяпти. Бизга иситма, ҳолсизлик, йўтал, қоринда оғриқ ҳолатлари бўйича шикоятлар бўляпти. Бир кунда 3-4 тагача зотилжам касаллиги билан оғриган беморларни қабул қиляпмиз.

Ўзимиз билмаган ҳолда танамизни совутишга ҳаракат қиламиз, кун давомида муздеккина офисда ишлаймиз. Ёки уйимиздаги хоналарни салқинлаштирамиз. Аслида кондиционердан фойдаланишнинг ҳам ўз қонун-қоидаси бор: яъни ичкаридаги хона ҳарорати ташқаридан 10 фоизгина пастроқ бўлиши керак. Биз нима қиламиз? Ташқаридаги 40-50 даражада иссиқ, кондиционер

кўрсатгини 16-18 даражага тушириб ишлатамиз. Кескин ҳарорат алмашинуви, илик организмга муздек ичимлик қабул қилиш шамоллашни келтириб чиқаради. Шамоллаш эса ўпкага ўтади. Қондаги кислород миқдори 93 фоиздан кам бўлса пневмония ташҳиси қўйилади.

– **Пневмонияда нимадан кўрқиб керак?**

– Ўпка қонни кислород билан таъминлаб турувчи орган ҳисобланади. Пневмонияда ана шу жараён ўзгаради. Тана аъзоларига кислород етиб бориши қийинлашади. Айниқса, қандли диабет, камқонлик асоратлари бор одамларда, кексалар ва янги туғилган чақалоқларда зотилжам оғир кечади. Беморнинг нафас олиши қийинлашади. Доимий стресслар танани ҳолдан тойдиради. Тўлақонли овқатланмаслик, мева-сабзавотлар, балик, ёғсиз гўшти етарли тановул қилмаслик иммунитет заифлашиши, тананинг ҳимоя функциялари пасайишига олиб келади. Тез-тез шамоллаш инфекциянинг сурункали ўчоғини вужудга келтиради.

Касаллик кучайганда ўпка устидаги пардалар яллиғланади. Бу тиббиёт тилида плеврит дейилади. Ўткир плеврит кўпинча кўкрак қафасида оғриқ билан бошланиб, йўталганда, чуқур нафас олганда зўраяди, бемор дармонсизланиб, ҳарорати кўтарилди. Плевра бўшлиғида кўп суюқлик тўпланиши оқибатида нафас олиш қийинлашади, беморнинг ранги оқаради, лаб, ёноқлари кўкариб, юзаки нафас ола бошлайди.

Плевритнинг кечиши ва давом этиши асосий касалликнинг табиатига боғлиқ. Қуруқ плеврит бир неча кундан сўнг тузалиб кетади. Касалликнинг ўткир, бошланғич даврида бемор қимирламасдан ётиши керак. Унинг овқатлари юқори калорияли, витаминларга бой бўлиши лозим. Плевритнинг олдини олишда санитария ва гигиена қоидаларига риоя қилиш, организмни чиққитириб бориш керак.

Яна бу касаллик перекардит – юрак устидаги пардалар яллиғланиши ҳам келтириб чиқаради. Қуруқ перекардитда тана ҳарорати бироз кўтарилди, юракдаги оғриқ унинг атрофида ва орқага тарқалади. Юрак орқали қон айланиши бузилади. Бу ҳолатда яллиғланишга сабаб бўлган асосий касалликка қарши дорилар берилди. Айрим ҳолатларда антибиотиклар буюрилади. Операция амалиёти ҳам ўтказилиши мумкин.

– **Болаларда бу касаллик қандай кечади?**

– Болаларнинг организми ўзини ўзи ҳимоя қилолмайди. Нафас йўли калта, иммунитет паст бўлади. Шу боис 1 ёшдан 3 ёшгача бўлган болаларда бу хасталик оғирроқ кечади. Бола совқотиши ёки қизи кетиши мумкин. Болаларда зотилжам ривожланиши ЛОР аъзоларда инфекцияларнинг сурункали ўчоғи (ангина), пала-партиш кун тартиби, уйқуга тўймаслик каби хавфли омилларни келтириб чиқариши мумкин. Тоза ҳавода кам бўлиш, чинкиш ва жисмоний машқлар камчилиги, эпидемиологик тартибга амал қилмаслик касалликни кучайтиради. Инфекция болалар жамоасида йўталганда, аксирганда, бир-бири билан гаплашганда, бақирганда соғлом кичкинтойларга юқади. Шу боис хаста болалар касаллик пайтида уйда қолиши зарур. Чақалоқларда аввало қўшимча ка-

салликларни даволаш керак. Эмлаш, вакциналарнинг ўз вақтида олиниши, тўғри овқатланишга риоя этиш зарур. Кичик ёшдаги болалар яхна, нотабий, газли ичимликлар ичмаслиги, фаст-фуд, ширинликларни камроқ истеъмол қилишлари лозим. Ҳаракатли ўйинларни кўпроқ ўйнаш тавсия этилади. Мунтазам тоза ҳавода сайр қилиш, қўл телефони, компьютерлардан меъёр даражасида фойдаланиш болалар саломатлиги учун жуда муҳим.

– **Зотилжамнинг олдини олишда нималарга эътибор қаратиш керак?**

– Энг яхши профилактика бу соғлом турмуш тарзига риоя этиш. Тўғри овқатланиш – мева-сабзавотлар, шарбатларни кўп истеъмол қилиш, тоза ҳавода сайр қилиш, стресслардан сақланиш тавсия этилади. Сурункали касалликларни даволаш, алкогольга ружу қўймаслик, чекишни камайтириш ёки умуман воз кечиш зарур. Иммунитет пасайишининг олдини олиш учун поливитаминлар комплексини қабул қилиш ҳам яхши самара беради.

Нафас гимнастикасини ҳар кун бажариш шарт. У нафақат ҳужайраларни кислородга тўйинтиришга ёрдам беради, балки тинчлантирувчи ва бўшаштирувчи таъсир кўрсатади.

– **Касаллик қандай даволанади?**

– Ўткир даврида ётоқ тартиби тавсия этилади. Чақалоқларнинг кўкрак қафасини йўргаклашга йўл

қўйилмайди. Нафас сиқилганда болани каравотга танасининг тепа қисмини тепароқ қилиб тўғри ётқириш зарур. Боланинг аҳволи яхшиланганда каравотдаги ҳолатини тез-тез алмаштириш ва уни кўлга олиш керак. Кунига 1.5-2 литр суюқлик ичиш керак. Ёғли, ўрдақ, ғоз гўшtidан тайёрланган таомлар, қандолат маҳсулотлари мумкин эмас. Ширинлик яллиғланиш ва аллергия жараёнларни кучайтиради.

Хона ҳавосини тез-тез алмаштиринг. Иссиқ ҳавода кондиционер ҳавони тозаламайди, аксинча, оғирлаштиради. Шу боис деразаларни очиб, хонани шамоллатиб туриш керак.

– **Кўпчилик пневмонияни «Covid» билан адаштириб, дарров хавотирга тушади...**

– Албатта, ҳозирги таҳликали пайтда ҳаммада шу ўй бўлиши табиий. Содда қилиб тушунтирганда, «Covid» вирусли пневмонияда ўпкада хириллаш эшитилмайди. Рентген қилинганда ўзгаришлар кўринмайди. Кўп ҳолларда «Covid» белгилари бўлганда клиник таҳлилда тоза чиқади. Уларга симптоматик даволаш буюрилади. Бундай ҳолатларда витаминга бой, калорияли овқатлар ейиш тавсия этилади.

«Ўзбекистон ovozi» муҳбири Гулрух ОДАШБОЕВА сўхбатлашди.

ОИЛА ЭЪТИБОРДАН ЧЕТДА ҚОЛГАНМИДИ?..

Жорий йилнинг 13 июль куни «Facebook» ижтимоий тармоғидаги «БУХАРА • ВУКНАРА» гуруҳида ўз ўйинчоқларини сотаётган қиз тасвирланган сурат эълон қилинган ва унга кўра бола нон сотиб олиш учун шундай йўл тутишга мажбур бўлган. Уқувчилар томонидан қолдирилган фикрларда маҳаллий ҳокимият ва маҳалла идоралари шаънига кескин танқидий фикрлар билдирилган. Жумладан, муаллиф «Alisher Tagirov»: «Бизда «CITY»лар қуриляётган айни вақтда, болаларимиз нон сотиб олиш учун ўйинчоқларини сотишга мажбур бўлмоқда», деб изоҳ қолдирган.

Мазкур ҳолат Халқ демократик партияси Бухоро вилоят кенгаши масъул ходимлари ва мутасадди ташкилотлар вакилларида иборат ишчи гуруҳ томонидан ўрганиб чиқилди.

Аниқланишича, суратда акс эттирилган қиз Надежда Седак бўлиб, 2013 йилда Бухоро шаҳрида туғилган, 1-гуруҳ ногирони, умумтаълим ўрта мактабининг 2-синфида ўқийди. Оила бошлиғи сурункали ичувчи, ҳеч қаерда ишламайди. Қизалоқнинг онаси ҳам 1-гуруҳ ногирони. Оилада уч нафар фарзанд бор.

Оила «Кам таъминланган оилалар» рўйхатида, «Намозгоҳ» МФЙнинг доимий назоратида туради. Уларнинг аҳволидан 5-сон оилавий поликлиника ходимлари мунтазам равишда хабар олиб келмоқда. «Маҳалла» хайрия жамоат фонднинг Бухоро вилоят бошқаруви томонидан А.Седакка ногиронлик аравачаси, қизи Надеждага кийим-кечак ва ўқув қуроллари совға қилинган. Шунингдек, оилга бир марталик пул кўринишида моддий ёрдам кўрсатишга қарор қилинган. Бундан ташқари, 8 турдаги озик-овқат маҳсулотлари берилди.

Маълум бўлишича, аввалроқ оилга 1 млн. 800 минг сўм миқдорда моддий ёрдам кўрсатилиб, уларнинг илтимосига кўра, хонадонларининг кириш эшиги янгисига алмаштирилиб берилган.



Юқоридагилардан кўриниб турибдики, эҳтиёжманд оила тақдир ҳукмига ташлаб қўйилмаган. Буни ҳаммадан кўпроқ ушбу оила яшайдиган маҳалла фуқаролар йиғинидагилар яхши билишади. Ҳақиқий ҳолатни билмасдан туриб айюҳаннос солиш, турли ивго гапларни тарқатиш эса воқеликни бузиб кўрсатишга уринишдан бошқа нарса эмас.

ЎЗХДП Бухоро вилоят Кенгаши ва маҳаллий депутатлик гуруҳи бу оилани назоратга олиб, шаҳар мутасаддилари билан биргаликда уларга кўмак кўрсатишни давом эттиришга қарор қилди.

ЎЗХДП Бухоро вилоят кенгаши.

ҲАЁТ САБОҒИ



Таниқли рус шоири Маяковскийда ҳар қандай касалликни юқтириб олишдан кўрқиб фобияси бўлган. Айтишларича, уколдан вафот этган отасининг ўлими унга жуда қаттиқ таъсир қилган. Шунинг учун у ҳар доим ёнида совун солинган қутича олиб юрган ва ҳамма вақт қўлларини ювган. Умрининг охиригача Маяковский игна, тўғноғич ва соч тўғноғичлари (заколка)дан кўрқиб яшаган.

Бугун ота-оналарни фарзандлари саломатлиги билан бирга, уларнинг дарсларда фаол иштирок эта олиш масалалари ҳам ташвишлантиряпти. Умид қиламизки, ҳукумат вакиллари бир ой муддат ичида саволларга, фикрларга изоҳ беришади.

28-iyul, chorshanba, 2021-yil.
№28 (32670)



АЙНИ КУНЛАРДА САЙЛОВГА ТАЙЁРГАРЛИК ҚИЗГИН ТУС ОЛГАН. АММО ЯНА БИР МУҲИМ МАСАЛА БОРКИ, БУ ҲАМ ЮРТИМИЗ КЕЛАЖАГИ, ЖАМИЯТ РИВОЖИ БИЛАН ЧАМБАРЧАС БОҒЛИҚ. БУ – ЯНГИ ЎҚУВ ЙИЛИГА ТАЙЁРГАРЛИК.

ТАЪКИДЛАШ ЛОЗИМКИ, ЎТГАН ЙИЛГИ ЎҚУВ МАВСУМИДА ОНЛАЙН ДАРСЛАР СИФАТИ ЎЗИНИ ДЕЯРЛИ ОҚЛАМАДИ. БУ БОРАДА КЎПЛАБ ТАНҚИДИЙ ФИКРЛАР БИЛДИРИЛДИ, ҚАТОР ЭЪТИРОЗЛАР БЎЛДИ.

Хўш, АЙНИ ПАЙТДА 2021-2022 ЯНГИ ЎҚУВ ЙИЛИГА ТАЙЁРГАРЛИК ҚАНДАЙ? ТАЪЛИМ МУАССАСАЛАРИ ҲОЛАТИ, ЎҚИТУВЧИЛАРНИНГ САЛОМАТЛИГИ МАСАЛАЛАРИ ҚАЙ ДАРАЖАДА ЭЪТИБОРГА ОЛИНГАН?

ЎҚИТУВЧИЛАР ТЎЛИҚ ВАКЦИНАЦИЯ ҚИЛИНМАГАН – ЎҚУВ ЙИЛИ ҚАНДАЙ ҚИЛИБ ХАВОТИРСИЗ БОШЛАНАДИ?

КИМ БИЛАДИ, ҲОЗИР ЎЗБЕКИСТОНДА ХАЛҚ ТАЪЛИМИ СОҲАСИ ВАКИЛЛАРИНИНГ НЕЧА ФОИЗИ КОРОНАВИРУСГА ҚАРШИ ЭМЛАНГАН? ЎН ФОИЗ? БАЛКИ ЎН БЕШ ФОИЗИДИР? ХАЛҚ ТАЪЛИМИ ВАЗИРЛИГИ МАТБУОТ ХИЗМАТИНИНГ БУ БОРАДАГИ АНИҚ ЖАВОБИНИ ОЛОЛМАДИК. АММО САНИТАРИЯ-ЭПИДЕМИОЛОГИЯ ХИЗМАТИ ТЕЛЕГРАМ КАНАЛИДАГИ МАЪЛУМОТГА КЎРА, 26 ИЮЛЬ ҲОЛАТИДА РЕСПУБЛИКА БЎЙИЧА МАКТАБ ЎҚИТУВЧИЛАРИ 12 200 ДОЗАДА ЭМЛАНГАН. БУ ЎҚИТУВЧИЛАРНИНГ НЕЧА ФОИЗИ ТЎЛИҚ ЭМЛАНГАНИНИ АНИҚЛАШ ИМКОНИНИ БЕРМАЙДИ.

НИМА БЎЛГАНДА ҲАМ, ФАКТ ШУКИ, ОММАВИЙ ЭМЛАШ БОШЛАНМАДИ. ЎҚИТУВЧИЛАР МАКТАБГА ТАЙЁР ЭМАС. БУ – МАСАЛАНИНГ БИР ТОМОНИ. Хўш, ЎҚУВЧИЛАР-ЧИ? УЛАР КОРОНАВИРУСГА ҚАРШИ УМУМАН ЭМЛАНМАГАН-КУ! УЛАР ҲАМ ЯНГИ ЎҚУВ ЙИЛИГА ТАЙЁР ЭМАС-КУ!

АСЛИДА БУ КАТТА ЯНГИЛИК ЭМАС. ҲАММА ТУШУНИБ, БИЛИБ ТУРИБДИ. СЕНТЯБРДА МАКТАБ 90 ФОИЗ ЭЪТИМОЛГА КЎРА, ОНЛАЙН БЎЛАДИ. АММО, ВАЗИРЛИК НЕГА ХАЛҚҚА БИР ГАП АЙТМАЯПТИ? ШУНИСИ ҚИЗИҚ ВА ТААЖУБЛАНАРЛИ. ЛЕКИН МАСАЛАГА ЧУҚУРРОҚ ҚАРАСАНГИЗ, МУАММОЛАР ФАҚАТ ШУГИНА ЭМАСЛИГИ АЁН БЎЛАДИ.

ОКТАБРГА ТАЙЁРГАРЛИК ҚИЗГИН, СЕНТЯБРГА-ЧИ?!

Халқ таълими вазиригининг бу борада ҳозирча аниқ жавоби йўқ

МАКТАБ БОЗОРИ БЎЛАДИМИ?

Мактабга бозор қилиш, очигини айтиш керак, бир соатлик, бир кунлик иш эмас. Болалар тайёргарлик кўради, ота-она дам олиш кунларини ва албатта маош чиқадиган кунларни пойлайди, маош ҳам етмай қолиши эҳтимоли бўлса, пул жамғаради. Жумабозорга уйдаги майда чорвадан бировини олиб бориб сотади, кейин индини куни бозорга боради. Бу – кишлоқлардаги, оддий ўзбек хонадонидagi вазият.

Демак, бозор камиди бир ой олдин тайёр бўлиши керак. Шу маҳсулотлар савдоси билан шуғулланган савдогарлар мол захира қилиб олиши керак, хуллас, узун занжир.

Гап шундаки, бордию, вазият ўзгармаса, онлайн таълимга ўтилса, эртароқ айтган маъкул. Қанча вақт, харажат тежалади. Асосийси, одамлар асабийлашмайди.

ФОРМА НИМА БЎЛАДИ, ШЕРЗОД АКА?

Агар мактаб бозорлари ташкил этилмаса, келаётган ўқув йилида форма талаблари бироз юмшатилиши керак бўлар. Аслида икки йилдан

бўён рухсат этилмаётган мактаб бозорлари, умумий бозорларнинг ҳам деярли тўлиқ фаолият кўрсатмагани, ишлаб чиқариш ҳам пандемия сабабли инқирозли вазиятларда бўлганини инобатга оладиган бўлсак, бу йил яна ота-оналарга бу масалада ташвиш туғилиши табиий. Чунки кичик ёшли болалар ўсувчан бўлишади. Ўтган йилги ёки ундан олдин олган либослари бу йил мос келмай қолиши аниқ.

Тўлиқ жорий этилмайдиган, барчани қамраб ололмайдиган тартибнинг кимга кераги бор? Ўтган йилларда кўрдикки, ички эҳтиёжлар даражасида намунали мактаб формаси ишлаб чиқарилиши йўлга қўйилмаган. Бу йил қандай бўлади? Ҳар бир вилоятда ўнлаб қурилган "Баракча чеварлар"да мактаб формаси етарли миқдорда захира қилинми ёки тендерда ютган бир фирма бу иш билан яққаш шуғулланаяптими? Нега шунақа "соққа"ли нуқталарда махфийлик кўп?..

ДАРСЛИК ЕТАРЛИМИ?

Янги ўқув йили бошида яна бир муҳим масала кўндаланг турибди. Бу — дарсликлар етишмаслиги. Хўш, тегишли ташкилотлар янги

ўқув йилида бу муаммоларни бартараф этиш ҳақида қанчалик қайғуришмоқда? Ўқувчилар ва уларнинг ота-оналари учун қулайлик яратиш мақсадида Халқ таълими вазиригининг томонидан 2018-2019 ўқув йилида 1-11 синфларга мўлжалланган дарсликларнинг электрон шакллари www.eduportal.uz ахборот-таълим порталига жойлаштирилган. Шаҳарда яшайдиган, интернет тизимида муаммо бўлмайдиган ўқувчилар-ку бундан фойдаланишар, аммо интернет тугул хатто алоқа воситалари яши ишламайдиган олис кишлоқ болаларининг электрон дарсликлардан фойдаланиш имкони йўқ-ку. Улар китобга, дарсликларга муҳтож. Қолаверса, ўқувчининг мавзу ва машғулотларни ўзлаштиришида босма нашрдаги дарсликлар электрон дарсликларга нисбатан самарали ҳисобланади.

Энг асосийси, Kundalik.com ни нима қиламиз? Ўқитувчилар бу дастурнинг ноқерак, фойдасиз эканлигини минг мартабала айтишди. Қолаверса, дастурни ишга тушириш ва фаол ҳолатда сақлаб туриш билан боғлиқ коррупция эҳтимоли ҳақида жуналист суриштирувлари эълон қилинди. Хўш, шундай вазиятда яна ими-жимиди

Халқ таълими вазиригини Kundalik.com билан янги ўқув йилини бошлаб бера-яптими? Нега жамоатчиликка ҳисобот бериш йўқ, ҳурматли ХТВ?

ОНЛАЙН ТАЪЛИМ ЎЗГАРАДИМИ?

Ўтган ўқув йилидаги онлайн дарслар кўнгилдагидек бўлди, дея олмаймиз. Кўпчилик ота-оналар, ўқувчилар дарслар сифатидан қониқмади. Онлайн дарсларга ажратилган вақт ҳам етарли бўлди, дея олмаймиз. Ижтимоий тармоқларда, мулоқотларда бу ҳақда баҳсли фикрлар билдирилди. Агар янги ўқув йилида ҳам онлайн таълимга ўтилса, яна шундай норозиликлар туғилмаслиги учун вазирилик ва тегишли ташкилотлар қандай ишларни амалга ошириши мақсад қилишган? Уларнинг онлайн таълими такомиллаштириш бўйича аниқ таклифлари борми? Аммо бу борадаги сўровларимизни Халқ таълими вазиригини матбуот хизмати очик қолдирди.

"Ўзбекистон тарихи" телеканали орқали эфирга узатилган ўтган ўқув йилидаги онлайн дарсларга режиссёрлик


ва муҳаррирлик қилган журналист Дилдора Ҳасанова жараён ва ўқитувчиларнинг дарс ўтиш маҳорати хусусидаги фикрларини биз билан ўртоқлашди.

– Аввало шундай пайтда фарзандларимизнинг таълим олиши узилиб қолмаслиги ҳақида қайғурган ҳолда онлайн дарсларнинг ташкил этилиши таҳсинга лойиқ. Бу жараён ўқитувчиларга ҳам, ўқувчилар ва ота-оналарга ҳам катта қулайлик яратиб берди. Биз ҳам имкон қадар, қўлдан келганча вазиятга мослашишга ҳаракат қилдик. 1-синфдан 11-синфгача қамраб олган ҳолда, зарур фанлардан 15-20 дақиқалик онлайн дарслар эфирга узатилди. Аммо мени хафа қилган нарса айрим ўқитувчиларнинг билим савияси юқори эмаслиги, дарс ўтиш услуби зерикарилиги бўлди. Қолаверса, улар тайёрлаган маърузалардаги хатоликлар, ҳатто дарсликлардаги нотўғри, эскирган маълумотлар кўнгилмишни хира қилди. Яхши тайёргарликка эга бўлган ўқитувчиларнинг аксарияти эса камера олдида бироз ҳаяжонланмишди. Бу борада рус тилида дарс ўтадиган ўқитувчиларнинг тажрибаси, услуби, ўз устида ишлаш, қизиқарли деталлардан фойдаланиш маҳоратини намуна сифатида кўрсатиш мумкин.

Бугун ота-оналарни фарзандлари саломатлиги билан бирга, уларнинг дарсларда фаол иштирок эта олиш масалалари ҳам ташвишлантиряпти. Умид қиламизки, ҳукумат вакиллари бир ой муддат ичида саволларга, фикрларга изоҳ беришади.

Гулрух ОДАШБОВА,
"Ўзбекистон ovozi" мухбири.

30 минг долларми ёки 45 миллион сўм...



Ҳаётда ҳамма яхши яшашни, орзуларига етишишни, неъматлардан баҳраманд бўлишни хоҳлайди. Лекин тақдир тақозоси билан кимларнингдир имконияти чекланган бўлади. Қисматнинг аччиқ ёзиғидан, қалби сабр уммонидан тўйинган бу инсонлар ҳам ҳамма қатори юришни исташмайди, дейсизми? Исташади, албатта. Улар ҳам чопқиллаб юришни, югуришни хоҳлашади, эшитгиси, атрофни кўргиси келади, қўлларини соғинашади...

Фирдавс Нематзода Инновацион ривожланиш вазиригини, Ёшлар академиясининг мувофиқлаштириш бошқармаси бошлиғи. У билан сўхбат уюштиришни анчадан бери режалаштириб юрган эдим. Фирдавс Ўзбекистоннинг ИТ дунёсидаги фаол ёшларидан бири. Унинг лойиҳалари кўп, изланишлари бисёр, ғоялари бир олам. Улар ҳақида кўп ёзиш мумкин, фахр билан кўп гапириш мумкин. Бугун сизга айтмоқчи бўлганимиз эса унинг сунъий қўл протези тўғрисида.

Фирдавс бунга нима ундади ўзи? Аслида сунъий қўл протезини яратиш ғояси қаердан келди? Бир нарса аниқки, у қўлидан айрилган инсонларнинг ички кечинмаларини ўқий олди, дардини тушунди, қийинчилигини ҳис қилди.

Унинг айтишига қараганда, бир куни қўли тегирмонга кириб кетган, бир қўлининг тирсагидан пасти йўқ 30 ёшлар атрофидаги андижонлик бир киши билан гаплашиб қолган. "Мен ҳам сизларга ўхшаб, қўлларим билан фарзандларимни кўтариб юришни, бошини силлашни хоҳлайман", дея ўқиниб гапирган у. Бу гап Фирдавсга қаттиқ таъсир қилган.

– Анча пайт сунъий қўл протезини яратиш ғояси билан юрдим. Лекин андижонлик ҳамюртимизнинг биргина гапи юрагимни шаштга тўлдирди. Бор куч ва имкониятларимни сафарбар қилдим, ўргандим, изландим, – дейди у...

ҚўЛИДАН АЙРИЛГАН ҲАММА ОДАМ ҲАМ 30 000 ДОЛЛАРГА ПРОТЕЗ ОЛОЛМАЙДИ

– Туриш политехника университетининг Ахборот технологиялари факультетида ўқиб юрган пайтларим ноғиронлиги бор инсонлар

учун протез қўллар ишлаб чиқариш ҳақида ўйлаб юрардим. Маълум бўлишича, ўртача протез дунё бўйича 4-5 та мамлакатда ишлаб чиқарилади. Уларнинг ўртача нархи 30 минг доллар экан. Ўзбекистон шароитида қўлини тегирмонда ёки аварияда йўқотган одам 30 минг долларга протез сотиб ололмайди. Бунга шубҳа йўқ. Лекин шундай одамлар борки, унга муҳтож, протез бўлса-да қўллари бўлишини орзу қилади.

Электроманетик сенсорлар орқали ҳаракатланадиган бундай қўлларни бахтсиз ҳодиса туфайли қўлидан айрилган беморларга ўрнатиш мумкин. Тўғри, бу каби сунъий қўллар алақачон ишлаб чиқилган. Бироқ уларнинг нархи жуда қиммат. Менинг лойиҳам асосида тайёрланган қўлларнинг таннархи эса анча арзонга тушади.

Ўзбекистондаги мавжуд протезларни ўрганишда, билдимки, бу ишни амалга ошириш имконияти катта. Энг муҳими, ғоя бор, бир неча йиллар давомида бунга юргандим, соҳани тушунаман. Ҳаттоки, бакалаврият йўналишида диплом ишимни ҳам шу бўйича олдим, биринчи протез версиясини яратдим.

Масалан, Германия Ottobock компанияси битта моторни 250 доллардан кўяди. 5 та бармоқ учун 1250 доллар битта моторнинг ўзига кетади. Лекин Хитойдаги 5-6 долларлик моторлар ҳам худди шу функцияни бажаради, фақат уларнинг ишлаш вақти камроқ бўлади. 250 долларлик моторга 20 йил кафолат берилса, Хитой моторига 5 йил беради. 5 йилда алмаштирган осонроқ-ку, нима дейсиз? Шунинг учун биз протезларни максимал даражада арзонроқ чиқаришга ҳаракат қилдик.

ИШНИ БОШЛАШ УЧУН 500 МИЛЛИОН СЎМ МАБЛАҒ...

2017 йилда протез версияни инновацион ярмаркага олиб чиққанамда кўпчиликда катта қизиқиш уйғотди. Лойиҳамнинг ортиндан Японияга грант ютиб олдим ва робототехника коллежида малака ошириб келдик. Энди шуни йўлга қўяман деганда магистратурага ўқишга

кирдим. Шу билан ишимни тўхтатиб, Италияга ўқишга кетдим. Лекин изланишимни тўхтатмадим, протезни максимал даражада арзонроқ чиқариш бўйича ўрганишлар олиб бордим.

Ўзбекистонга қайтиб келганимдан сўнг бунга молиялаштириш ҳақида ўйлаб қолдим. Кейин Инновацион ривожланиш вазиригини томонидан Стартуп лойиҳалар молиялаштирилиши ҳақида эшитиб қолдим. Бунга бир ой давомида ўрганиб чиқдим ва ҳужжатларни йиғиб, вазириликка топширдим. Ноғиронлиги бор бир болага протезни қўйиб берганимизда уларга бу маъкул келди. Шунда биз Инновацион ривожланиш вазиригиндан 500 миллион миқдорда пул ютиб олдик. Ҳозир жамоамизни шакллантирдик. Сизга очикчасига айтаман, биз дунёдаги сотиладиган нархлардан 6-8 баробар арзонга чиқарганимиз.

ПРОТЕЗ ҚЎЛ ҚАНДАЙ ИШЛАЙДИ?

Сунъий қўл электромагнетик сенсорлар орқали ҳаракатга келтирилади. Махсус электромиографик сенсор ноғиронлиги бўлган одамнинг ампутиция бўлган қўл қисмига ўрнатилиб, мускуллардаги нейрон сигналларни олиб контроллерга юборади. Контроллер эса уни рақамли сигналга айлантириб, қўлни ҳаракатга келтиради. Тугма ноғирон одамларда бу ишламайди, чунки уларда айнан ушбу мускуллар ривожланмаган бўлади. Бахтсиз ҳодиса туфайли қўлини йўқотган беморларга ўрнатилган протез ҳақиқий қўл каби мия орқали бошқарилади.

Фирдавс билан сўхбатлашгач, яқин орада у билан яна интервью ташкиллаштиришни режалаштирдик. Чунки унинг сунъий интеллектга эга одамсимон гуманоид робот яшаш режасига жуда қизиқиб қолдик. Газетамиз саҳифаларида бу ҳақида алоҳида материал чоп этамиз. Бизни кузатиб боринг!

Лазиза ШЕРОВА,
"Ўзбекистон ovozi" мухбири.

28-iyul, chorshanba, 2021-yil.
№28 (32670)

МИС КЛАСТЕРИ

ЮРТИМИЗ УЧУН ЯНГИ ДАРОМАД МАНБАИ

САХОВАТЛИ ОНА ЗАМИНИМИЗ ТУРФА МАЪДАНЛАРГА БОЙЛИГИНИ ҲАММА ЭЪТИРОФ ЭТАДИ. БИЗДАГИ МАВЖУД ИМКОНИАТЛАРГА КАТТА ҲАВАС БИЛАН ҚАРАЙДИ. БУ БЕЖИЗ ЭМАС. БИРГИНА МИС РУДАСИНИ ҚАЗИБ ОЛИШ ҲАЖМИНИ ОШИРИШ ОРҚАЛИ КИМЁ, АВТОМОБИЛСОЗЛИК САНОАТИДА ЮҚОРИ ЎСИШГА ЭРИШИШ МУМКИН. ЎЗ НАВБАТИДА, БУ ҚЎШИМЧА ҚИЙМАТ ОРҚАЛИ МАМЛАКАТИМИЗ АҲОЛИСИНИ ЯНГИ МАБЛАҒ БИЛАН ТАЪМИНЛАШ ИМКОНИНИ БЕРАДИ.

ШУ МАЪНОДА, ПРЕЗИДЕНТИМИЗНИНГ ЖОРИЙ ЙИЛ 24 ИЮНДАГИ "КОН-МЕТАЛЛУРГИЯ САНОАТИ ВА УНГА БОҒЛИҚ СОҲАЛАРНИ РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА"ГИ ҚАРОРИ ТАРИХИЙ АҲАМИЯТГА ЭГА БЎЛГАНИНИ ТАЪКИДЛАШ ЖОИЗ.



Иброҳим АБДУРАҲМОҲОВ,
инновацион
ривожланиш вазири,
академик

— Давлатимиз раҳбари томонидан шу йил 28 июнь куни ўтказилган йиғилишда юртимизда мис ишлаб чиқаришни янада ривожлантириш, "хом ашёдан тайёр маҳсулотгача" бўлган кўп поғонали қўшилган қиймат занжирини яратиш орқали мамлакатимизда мис маҳсулоти ва у билан боғлиқ соҳаларда юқори қўшилган қийматли тайёр маҳсулотлар ишлаб чиқариш бўйича илмий-технологик кластерни ташкил этиш масалалари муҳокама этилди.

Мутахассислар фикрича, келгусида дунёда электромобиллар, электр энергияси ва қайта тикланадиган энергия соҳаларида мисдан кенг фойдаланишга ўтиштириш прогноз қилинмоқда. Шунингдек, мис курилиш, энергетика, автомобилсозлик ва машинасозлик, микропроцессор ва электроника ишлаб чиқариш каби кўплаб соҳаларда асосий металлдан бири ҳисобланади. Сўнги 20 йил ичида жаҳонда мисдан фойдаланиш ҳажми икки баравар ошди. Прогнозларга кўра, металл бўлган талаб ўсишда давом этади.

Ўтган йили дунёда мис қазиб олиш ҳажми 20,1 миллион тоннани ташкил этди. 2021-2022 йилларда мисга бўлган талабнинг кескин, яъни йилига 5-6 фоиз ўсиши кутилмоқда. 2032 йилга бориб мисга талаб йилига 2 миллион тоннага, 2040 йилга эса 6 миллион тоннага ошиши ва натижада 2050 йилга бориб мис ишлаб чиқариш ҳажми 40 миллион тоннадан ошиши кутилмоқда.


Сўнги 5 йилда мамлакатимизда мис ишлаб чиқариш ҳажми қарийб

1,5 баравар ошиб, 2020 йилда 148 минг тоннага етган. Ҳозир Олмалик кон-металлургия комбинатида йилига 148 минг тонна мис ишлаб чиқарилиб, 2020 йилда Ўзбекистон мис ишлаб чиқариш бўйича жаҳонда 20-ўринни эгаллади. Мис ишлаб чиқариш бўйича юқори кўрсаткичларга эга бўлганимиз баробарида соҳада қатор оқсоқликлар ҳам мавжуд. Жумладан, мисдан юқори қўшилган қийматли маҳсулотлар тайёрлаш ишлари етарли даражада эмаслиги, хусусан, миснинг қарийб 60 фоизи хомашё сифатида экспорт қилинаётгани бу борада қатор ислохотларни амалга оширишни талаб этади.

Мисдан келадиган даромад бугунги кунда 2,5 миллиард АҚШ долларини ташкил этмоқда. Президентимиз соҳа вакилларига яқин 5 йил ичида мис ишлаб чиқариш ҳажмини 400 минг тоннагача етказиш бўйича топширик бериб, бу кўрсаткични турдош тармоқлар билан бирга 7-8 миллиард долларга етказиш мумкинлигини қайд этди.

Инновацион ривожланиш вазирлиги тармоқни ривожлантириш ва мис саноати кластерини яратиш, илм-фан ва ишлаб чиқариш интеграциясини таъминлашда локомотив бўлиши белгиланди. Шунга мувофиқ, мисни қайта ишлаш бўйича қисқа, ўрта ва узоқ муддатли режалар ишлаб чиқилди. Аввало, 148 минг тонна мисни қайта ишлаш учун илмий салоҳият ва технологиялар талаб этилади. Шу боис, Чили, АҚШ, Хитой каби давлатларнинг бу соҳадаги тажрибасини ўрганиш муҳим.

Дастлабки вазифа сифатида мисни қайта ишлаб, юқори даромад олиннадиган технологиялар бўйича дунё тажрибасини ўрганиш ва технологиялар трансфери портфелини шакллантириш лозим. Бу жараёнда капитални капиталга айлантириш, яъни мисдан қўшимча капитал яратиш учун инновацияларни олиб киришга катта эътибор қаратилади. Ҳозир шу ишларни тизимли йўлга қўйиш мақсадида Инновацион ривожланиш вазирлигида мисни қайта ишлаш технологиялари билан шуғулланувчи бошқарма ташкил этилмоқда. Демак, мисни қайта ишлаб чиқарувчи кичик инновацион корхоналар ташкил қилиниши қисқа муддатли устувор масалалардандир.



Мис саноати кластери нафақат катта миқдордаги капитал яратишини таъминлайди, балки қўшимча қиймат яратишни мақсад қилган кичик инновацион корхоналарда бир неча юз минглаб янги ишчи ўринларини ташкил қилинишига асос бўлади.

Ўрта муддатли режаларимизда эса рудани қазиб олиш жараёнида қўлланадиган махсус ускуналар, тегирмонлар, бургилаш аппаратлари ва бошқа техник анжомларни модернизациялашга мавжуд илмий салоҳиятни жалб қилиш кўзда тутилган. Бундан ташқари, рудадан мис олиш жараёнида кўплаб кимёвий концентратлар, реагентлар керак бўлади.

Рудадан мис ажратишда флотация усулидан фойдаланилади. Инновацион ривожланиш вазирлиги ҳузуридаги жамғарма томонидан мана шундай флотореагент яратиш учун олимларнинг тадқиқотлари учун грант маблағлари ажратилган бўлиб, ҳозир илк натижаларга эришилди. Тошкент давлат техника университети ҳузуридаги "Фан ва тараққиёт" давлат-унитар корхонаси олимлари шу пайтгача Россиядан олиб келинадиган флотореагентнинг икки баравар арзон нархда ва маҳаллий хомашёдан ишлаб чиқариладиган аналогини яратди. Ҳозир "Фан ва тараққиёт" ДУК томонидан 500 литр янги флотореагент ишлаб чиқарилмоқда. Тармоқнинг талаби эса 2,3 минг тоннани ташкил этади. Жорий йил охиригача мазкур реагентни ишлаб чиқариш ҳажмини 2,5 минг

тоннага етказиш имкони бор. Аммо мисни қазиб олиш жараёнида маҳаллий реагентларга эҳтиёж янада ошиб бораверади. Демак, реагентларни етказиб бериш ва уларни маҳаллийлаштириш бизнинг ўрта муддатдаги вазифамиздир.

Олдимизда турган кейинги масала — мис рудасидаги мавжуд нодир металлларни ажратиб олиш технологиясини яратишдир. Бу — руда таркибидаги олтин ва қумуш каби қимматбаҳо металллар ҳамда палладий, вольфрам, германий, литий каби ўта ноёб элементлардир. Ҳозирги кунда 1 грамм палладий дунё бозорига 67 долларга баҳоланади. 2018 йилдан бошлаб нархи олтин қийматидан ҳам ошиб кетган.

Айни пайтда Инновацион ривожланиш вазирлиги томонидан "Олмалик КМК" АЖ шароитида мис ва рух ишлаб чиқариш жараёнида ҳосил бўлган техноген чиқиндиларни қайта ишлаш асосида нодир ва қимматбаҳо металлларни ажратиб олишнинг комплекс технологияларини ишлаб чиқиш" инновацион лойиҳаси режалаштирилмоқда. Уни молиялаштириш ҳажми 2,4 миллиард сўм ва бажарилиш муддати 2 йил этиб мўлжалланган.

Вазирлигимиз томонидан Олмалик кон-металлургия комбинати ҳамда Корея Республикасининг ривожланиш учун расмий ёрдам дастури (ODA) билан ҳамкорликда Ўзбекистон — Корея нодир металллар ва қаттиқ қотишмалар технологик маркази ташкил этилган бўлиб, ҳозир уни модернизациялаш ишлари олиб борилмоқда. Марказда ОКМК ҳисобидан 2024 йилгача лаборатория ускуналарини ўрнатиш жараёни уч босқичда амалга оширилади. Айни пайтгача 1,1 миллион доллар қийматидаги ишлар бажарилди.

Бундан ташқари, ОКМК ва Инновацион ривожланиш вазирлиги томонидан Марказий Осиёда ягона ҳисобланадиган ушбу марказнинг саноат тажриба цехи учун 15,5 миллион долларга саноат тажриба ускуналарини олиб келиш режалаштирилган.

Малакали муҳандислар ва материалшуносларга эҳтиёжимиз юқори бўлгани боис ўтган даврда Корея Республикасининг нодир металллар ва қаттиқ қотишмалар институтига (KIRAM) таълим олиш ва малака ошириш учун 20 нафар мутахассис юборилди. Жанубий Кореяда таълим олиб қайтган мутахассислар ҳозир нанотехнологиялар бўйича тадқиқотларни бажариб, амалиётга жорий қилмоқда. Мис оксидидан янги нанокукун яратиш бўйича илмий изланишлар давом этмоқда. Нанокукунлардан фойдаланган ҳолда ҳозир хона ҳавосини зарарсизлантирувчи Q-Vox ускунасини ишлаб чиқариш йўлга қўйилди.

Ўз навбатида, ҳарбий техника ишлаб чиқаришда ҳам мисдан кенг фойдаланилади. Бу бўйича ҳам тадқиқотларни жадаллаштириш талаб этилади.

Узоқ муддатли вазифаларимизга келсак, мис саноатини ривожлантиришда жорий қилинаётган технологияларнинг экологик хавфсизлиги ва яшил иқтисодиёт тамойилларига ҳамоҳанг эканини илмий ёндашувлар асосида ўрганиш ва технологик коррекциялар тақлифини жорий қилиш режалаштирилган. Бу борада илмий-тадқиқот ишларини бошлаб, изланиш натижаларини амалиётга татбиқ қилиш чораларини кўриш талаб этилади.

Хулоса қилиб айтганда, олдинги кўриб қилинаётган ушбу самардор, таъбир жоиз бўлса, инновацион саъй-ҳаракатлар халқимиз фаровонлигини оширишга хизмат қилади.

Биласизми?

КАРАНТИН ҚОИДАЛАРИНИ БУЗИШ ЖАРИМА СОЛИШГА САБАБ БЎЛАДИ



Карантинли ва инсон учун хавfli бўлган юқумли касалликлар пайдо бўлиши ва тарқалиши шароитида жамоат жойларида ниқобсиз бўлиш БҲМнинг 5 бараваригача (1 млн 225 минг сўм) жарима солишга сабаб бўлади.

Карантинли ва инсон учун хавfli бўлган бошқа юқумли касалликлар пайдо бўлишининг ёки тарқалишининг олдини олиш мақсадида белгиланган мажбурий қоидаларни бузиш:

□ фуқароларга БҲМнинг 20 баравари (4 млн 900 минг сўм);

□ мансабдор шахсларга эса 30 баравари (7 млн 350 минг сўм) миқдорига жарима солишга сабаб бўлади.

ДОИМИЙ ЯШАШИДАН ҚАТЪИ НАЗАР УЙ-ЖОЙГА МУҲТОЖ БЎЛГАН ФУҚАРО СИФАТИДА ҲИСОБГА ОЛИНАДИ



Тегишли аҳоли пунктида доимий яшайдиган қатъи назар қўйиладиган уй-жой шароитини яхшилашга муҳтож бўлган фуқаролар сифатида ҳисобга олинади:

— дала шароитларида камидан 25 ишлаган ва шу тўғрйли доимий яшаш жойига эга бўлмаган геология-қидирув ташкилотлари ва топография-геодезия хизматлари ходимлари;

— белгиланган муддатда, аммо бошқа аҳоли пунктларида яшайдиган, агар улар яшаш жойи бўйича иш жойи жойлашган аҳоли пунктида амалда бўлган уй-жой шароитини яхшилашга муҳтожлар ҳисобига қўйиш шартларига жавоб берган тақдирда, шу аҳоли пунктида жойлашган ташкилотларда узулксиз ишлаган ходимлар.

КАМ ТАЪМИНЛАНГАН ОИЛАЛАРГА БЕПУЛ ЁКИ ИМТИЁЗЛИ ШАРТЛАРДА ИЖТИМОЙ ХИЗМАТЛАР ВА ЁРДМЛАР ҚЎРСАТИЛАДИ



"Ижтимоий ҳимоя ягона рестири" орқали кам таъминланган сифатида рўйхатга олинган оилаларга бепул ёки имтиёзли шартларда қўйидаги ижтимоий хизматлар ва ёрдамлар қўрсатилади:

• давлат мактабгача таълим муассасаларида ота-оналар тўловидан озод этиш;

• мактабгача таълим муассасаларида ўрнатилган миқдорларда ота-оналар тўловини тўлаш;

• мактабларда дарсликлар ижара тўловларидан озод этиш;

• мактаблар ўқувчилари учун қишки кийим-бош бериш;

• айрим фанларни ўқитишга ихтисослаштирилган умумий ўрта мактаблар ўқувчиларини овқатланиш харажатларидан озод этиш;

• санъат мактаблари, мусиқа мактаблари, "Баркамол авлод" марказлари ва бошқа мактабдан ташқари таълим муассасаларида ўқиш харажатларидан озод этиш;

• кам таъминланган оилаларнинг ногирон аъзоларини протез – ортопедия буюмлари билан таъминлаш;

• ихтисослаштирилган тиббиёт муассасаларида бепул махсус (амбулатор ёки кундузги) тиббий ёрдам қўрсатиш бўйича йўлланма (ордер) олиш.

Адлия вазирлигининг "Huquqiy axbotot" канали.

200 НАФАР ЁШЛАР УЧУН ПРЕЗИДЕНТ ГРАНТИ ЖОРИЙ ҚИЛИНДИ

2021/2022 Ўқув йилидан: Манба: ПҚ-5172-сон, 06.07.2021 й. @huquqiyaxbotot

2021/2022 ўқув йилидан давлат ОТМга киришда энг юқори балл тўплаган 200 та ёшларга Президент гранти жорий қилинди

Президент гранти учун ажратилган квота ҳар йили таълим муассасаларига ўқишга қабул қилиш бўйича давлат комиссияси томонидан тасдиқланади

Президент гранти квотаси бўйича сўнги ўриндаги абитуриент билан бир хил балл тўплаган барча фуқаролар Президент грантига даъвогар бўлади

Президент грантига даъвогар абитуриентлар давлат гранти асосида ўқишга қабул қилинади

Президент гранти совриндорлари биринчи курсда барча фанларни "аъло" баҳолашга ўқиган даъвогар талабалар орасидан танлов асосида аниқланади

Танлов натижаларига кўра голиб бўлган талабаларга Президент давлат стипендияси тайинланади

Талабага Президент гранти учун белгиланган стипендия иккинчи курснинг ўқув йили бошидан тўланади

Ўқув семестри якунида камидан битта фандан ўзлаштириш "аъло" бўлмаган Президент гранти соҳибларига желгуси ўқув семестрида умумий тартибда белгиланадиган стипендия тайинланади

Навбатдаги ўқув семестри якунида барча фанлардан фақат "аъло" баҳо бўлганда, Президент гранти учун белгиланган стипендия қайта тайинланади

Замонавий технологияларнинг жорий этилиши иссиқлик энергияси ишлаб чиқариш таннархини 30 фоизга камайтириш, таъминот сифатини ошириш имконини беради.

«БУХОРОЭНЕРГОМАРКАЗ»:

ТЕХНОЛОГИК ЯНГИЛАНИШ, КАТТА ЛОЙИХАЛАР ВА РЕЖАЛАР ҲАҚИДА...

«Бухороэнергомарказ» акционерлик жамияти Бухоро шаҳридаги 200 тадан ортиқ кўп квартиралли уй-жойлар, 33 та ижтимоий соҳа объектлари ҳамда 100 дан ортиқ тадбиркорлик субъектларини иссиқлик энергияси ва иссиқ сув билан узлуксиз таъминлаб келмоқда. Бугунги кунда бу ерда қарийб 140 нафар ишчи-хизматчи ва муҳандис-техник ходим меҳнат қилмоқда.



«БУ ЕРДА АМАЛГА ОШИРИЛАЁТГАН ИСЛОҲОТЛАР, ИШЛАБ ЧИҚАРИШДА ЖОРИЙ ҚИЛИНАЁТГАН ЗАМОНАВИЙ ТЕХНОЛОГИЯЛАР ХАЛҚИМИЗНИНГ ТУРМУШ ДАРАЖАСИНИ ЯНАДА ЮКСАЛТИРИШ, АҲОЛИГА ҚУЛАЙ ЯШАШ ШАРОИТЛАРИНИ ЯРАТИШ ЙЎЛИДА ЯНА БИР МУҲИМ ҚАДАМ БЎЛИШИГА ШУБҲА ЙЎҚ. ЗЕРО, УЙ-ЖОЙ КОММУНАЛ ХИЗМАТ КЎРСАТИШ СОҲАСИ ХОДИМЛАРИНИНГ ОЛДИГА ҚЎЙИЛГАН БУГУНГИ ДОЛЗАРБ ВАЗИФАЛАР ҲАМ АЙНАН АНА ШУЛАРДАН ИБОРАТДИР.



ИНДИВИДУАЛ ИССИҚЛИК ПУНКТИ ҚУРИЛАДИ

«Бухороэнергомарказ» акционерлик жамиятида технологик жиҳатдан янгиланиш бўйича жадал ишлар олиб борилапти, – дейди жамият раҳбари Анвар Қораев. – Масалан, Бухоро шаҳрининг иссиқлик таъминотини реконструкция қилиш ва энергия самардорлигини ошириш лойиҳаси ишлаб чиқилган. Жаҳон банки директорлар кенгаши томонидан маъқулланган ва Халқаро ривожланиш ассоциациясининг маблағлари ҳисобидан имтиёзли равишда молиялаштирилган мазкур лойиҳа қиймати 14 миллион 620 минг долларга тенг. Бу маблағ ҳисобига «Бухороэнергомарказ» акциядорлик жамиятида кенг қўламли технологик янгиланишлар амалга оширилиши кўзда тутилмоқда.

Дастлаб, иссиқлик таъминоти мавжуд кўп харажатли очиқ тизимдан энергия самардор ва йўқотишларни олдини олувчи ёпик тизимга ўтказилади. Шунингдек, 200 дан зиёд кўп қаватли уй-жойда ва ижтимоий соҳа объектларининг 33 тасида индивидуал иссиқлик пункти қурилади. Бундан ташқари, қозонхонада битта янги замонавий қозон ўрнатилади, эскирган иккита қозон ва насос ҳўжалиги модернизация қилинади.

Очигини айтиш керак, ҳозирги пайтда истеъмолчилар билан

боғлайдиган умумий узунлиги 5 километр 550 метрдан иборат магистрал иссиқлик тармоқларининг ҳолати замон талаблари даражасида эмас. Айни шу боис ҳам улар иссиқлик узатиш самардорлиги юқори махсус қопламали қувурларга алмаштирилади. Лойиҳа «Энергомарказ» АЖ хизмат кўрсатадиган бевосита хусусий уй-жой мулкдорлари ширкатлари тасарруфидидаги уйлар ертўласини ҳам қамраб олади. Бу ерда электр ва ичимлик сув тизимлари таъмирланади ҳамда асбоб-ускуналар билан таъминланади. Ҳисоб-китобларга кўра, лойиҳа натижасида энергия самардорлиги ошиб, бир йилда 9, 65 миллиард сўм иқтисод қилинади.

Замонавий технологияларнинг жорий этилиши иссиқлик энергияси ишлаб чиқариш таннархини 30 фоизга камайтириш, таъминот сифатини ошириш имконини беради. Иссиқлик корхоналарининг зарарини қоплашга ажратиладиган бюджет маблағлари (5,43 миллиард сўм) иқтисод қилинади. Жамият молиявий ҳўжалик фаолиятини фойда билан яқунлашга ҳамда дебитор ва кредитор қарздорлик орасидаги тафовутни ҳар йилда 7,0 миллиард сўмга камайтиришга эришилади. Энг муҳими, етказиб бериш жараёнида иссиқликнинг йўқотилиши икки бараварга, энерго ресурсларнинг кам сарфланиши эвазига ундан фойдаланилганда ҳаво қатламга чиқариб юборилиши мумкин бўлган заҳарли газ – карбонат ангидрид миқдори йилига 5,2 минг тоннага камади.

УЗЛУКСИЗ ВА КАФОЛАТЛАНГАН ИССИҚЛИК ЭНЕРГИЯСИ ЕТКАЗИБ БЕРИЛАДИ

Яна бир муҳим жиҳати шундаки, модернизация туфайли иссиқлик тизимлари ва кўп қаватли уйлардаги иссиқлик таъминоти тизимларининг хизмат кўрсатиш мuddати 50 йилга узаяди. Индивидуал иссиқлик пунктилари ўрнатилиши ҳисобига кўп қаватли уйлар ва ижтимоий соҳа объектларидаги иссиқлик ташқи муҳит

ҳарорати ҳисобга олиниб, автоматик тарзда бошқарилади. Истеъмолчилар билан ҳисоб-китоблар ҳақиқий етказиб берилган иссиқлик энергияси (кўп қаватли уйларда иссиқлик ҳисоблагичи ўрнатилади) бўйича олиб борилишига эришилади. Айни дамда кўп квартиралли уйларнинг ички иситиш тизимлари носозлиги оқибатида тармоққа қўшилидиган сувнинг миқдори меъёрий кўрсаткичдан 2 баравар ортиқ. Шу сабабли корхона томонидан сувни тозалаш, иситиш ва тармоққа юбориш учун харажатлар соатига 150 метр куб ичимлик суви, 1650 метр куб табиий газ ва 270 квт. электр энергияси ортиқча сарфланмоқда. Шунингдек, тармоқлардаги иссиқлик қопламаларининг яроқлилик мuddати қисқалиги ва ўтказувчанлиги юқорилиги сабабли ҳам иқтисодий йўқотишлар юқорилигича қолмоқда.

Истиқболдаги лойиҳаларга асосан хорижий ҳамкорлар ва инвестицияларни жалб этган ҳолда «Бухороэнергомарказ» АЖда электр ва иссиқлик энергиясини комбинациялашган усулда ишлаб чиқариш мақсадида 70 мвт. қувватли буғ-газ ускунасини ўрнатиш кўзда тутилган бўлиб, лойиҳа амалга оширилгач йилига 533 млн квт. электр энергияси ишлаб чиқарилади. Натижада Бухоро шаҳри аҳолисининг электр энергиясига бўлган эҳтиёжи тўлиқ қондирилади.

Шунингдек, 2021-2022 йиллар куз-қиш мавсумига тайёргарлик дастури доирасида жорий йилда жамият маблағлари ҳисобидан 3,7 км. иссиқлик тармоқлари қувурлари ва улардаги 100 тадан кўпроқ тутқичлар алмаштирилиб, 5000 метр қувурнинг иссиқлик қопламаси янгиланади. Замонавий ва

турган майдонлар ободонлаштириб, иссиқхоналар барпо этилган. Айни дамда мазкур иссиқхоналарда лимон кўчатлари билан бир қаторда помидор, бодиринг, булғор қалампери ва турли сабзавот экинлари парвариш қилинмоқда. Қўшимча даромад ҳисобидан техникалар харид қилиниб, худуд ободонлаштирилмоқда.

Дарвоқе, корхона маъмурияти бу ерда меҳнат қилаётган ходимларнинг саломатликларини мустақкамлаш, уларга спорт билан мунтазам шуғулланиш имкониятларини яратиш мақсадида яна бир хайрли ишга қўл урган. Худуддаги бўш турган ер майдонида спортнинг мини футбол, волейбол, теннис каби турлари билан шуғулланишга мўлжалланган спорт майдончалари барпо этилганидан ишчи-ходимлар мамнун.

Келгуси йилда жамият ташкил этилганининг 50 йиллигини муносиб



Хорижий ҳамкорлар ва инвестицияларни жалб этган ҳолда

«Бухороэнергомарказ» АЖда электр ва иссиқлик энергиясини комбинациялашган усулда ишлаб чиқариш мақсадида 70 мвт. қувватли буғ-газ ускунасини ўрнатиш кўзда тутилган бўлиб, лойиҳа амалга оширилгач йилига 533 млн квт. электр энергияси ишлаб чиқарилади.

энергия тежамкор насослар ўрнатилиши ҳисобидан 30 фоизгача электр энергияси сарфини камайтиришга эришилади. Натижада кўп квартиралли уйларнинг 11237 та хонадонига, ижтимоий соҳа объектларига ва тадбиркорлик субъектлари истеъмолчиларига узлуксиз ва кафолатланган иссиқлик энергияси етказиб берилади.

ИШЧИ-ХИЗМАТЧИЛАРНИНГ МОДДИЙ МАНФААТДОРЛИГИ ОШМОҚДА

Акционерлик жамиятининг ички захира ва имкониятлари ҳам бирин-кетин ишга солиниб, молиявий соғломлаштириш тадбирлари натижасида муҳандис-техник ходимлар ва ишчи-хизматчиларнинг моддий манфаатдорлиги йил сайин ошиб бормоқда. Айни кунларда бу ерда меҳнат қилаётган ходимларнинг ўртача ойлик маоши қарийб 3 миллион сўмни ташкил этмоқда. Уларга меҳнат қилиши ва дам олиши учун барча шароитлар яратиб берилган. Корхона худудидида илгари бўш

кутиб олиш мақсадида ишлаб чиқариш самардорлигини ошириш билан бир қаторда яна бир хайрли ишга қўл урилган. Жамиятнинг узоқ йиллик тарихини ёш авлодга етказиш, устоз ҳамда меҳнат фахрийларини улуғлаш мақсадида жамият музейи ташкил этилмоқда. Ҳозирги вақтда музейга ажратилган бино таъмирланиб, жамият тарихига боғлиқ архив ва шахсий ҳўжжатлар билан бойитиш ишлари амалга оширилмоқда.

Хулоса қилиб айтганда, «Бухороэнергомарказ» АЖ учун 2021 йил туб бурилиш йили бўлади. Бу ерда амалга оширилаётган ислохотлар, ишлаб чиқаришда жорий қилинаётган замонавий технологиялар халқимизнинг турмуш даражасини янада юксалтириш, аҳолига қулай яшаш шароитларини яратиш йўлида яна бир муҳим қадам бўлишига шубҳа йўқ. Зеро, уй-жой коммунал хизмат кўрсатиш соҳаси ходимларининг олдига қўйилган бугунги долзарб вазифалар ҳам айнан ана шулардан иборатдир.

Шахло БАҚОЕВА,
журналист.



XOTIRA

28-iyul, chorshanba, 2021-yil.
№28 (32670)

Буюк британиялик спортчи мағлуб бўлган сонияларда Улуғбек Рашитов Токио жанггоҳидан (даян) миллатнинг қалб тўрига тўппа-тўғри кириб келди.

ПРОФЕССОР
ЎКТАМ ПАРДАЕВИЧ УМУРЗОҚОВ

Ўзбекистон олий таълим тизими оғир жудоликка учради. Тошкент ирригация ва қишлоқ хўжалигини механизациялаш муҳандислари институти ректори, Республика олий таълим кенгаши раиси, таниқли олим ва педагог, иқтисодиёт фанлари доктори, профессор Ўктам Пардаевич Умурзоқов шу йил 26 июль кунини 68 ёшида вафот этди.

Ў.Умурзоқов 1952 йили Сирдарё вилоятида туғилди. Ўрта мактабни тугатганидан сўнг Тошкент ирригация ва қишлоқ хўжалигини механизациялаш муҳандислари институтида тахсил олиб, уни имтиёзли диплом билан тамомлади. Меҳнат фаолиятини 1974 йили маэкур олийгоҳда кичик илмий ходим лавозимидан бошлаб, умрининг охирига қадар ушбу таълим даргоҳида лаборатория мудири, факультет декани, проректор, ректор маслаҳатчиси ва ректор каби масъул вазифаларда самарали иш олиб борди.

Жонкуяр олим ва педагог қайси лавозимда ишлагани, доимо сидқидилдан меҳнат қилиб, бутун онгли ҳаётини мамлакатимизда олий таълим соҳасини ривожлантириш, миллий иқтисодиётимиз учун юксак малакали кадрлар тайёрлаш, ёшларни Ватанга муҳаббат ва садоқат руҳида тарбиялаш, илмий-тадқиқот ишлари самарасини оширишдек эзгу мақсадларга бағишлади.



Айниқса, кейинги йилларда Республика олий таълим кенгаши раиси сифатида юртимизда олий таълим тизимида олиб борилган туб ислохотларни амалга ошириш жараёнларида фаол иштирок этиб, соҳага замонавий талаб ва мезонлар, илғор хорижий тажрибаларни жорий этиш борасида жонбозлик кўрсатиб, ўзини аямасдан, фидокорона хизмат қилди.

Моҳир ташкилотчи раҳбар Ў.Умурзоқовнинг ташаббус ва сазй-ҳаракатлари билан Тошкент ирригация ва қишлоқ хўжалигини механизациялаш муҳандислари институти мамлакатимиздаги етакчи олийгоҳлардан бири сифатидаги ўрни ва мавқеини қайта тиклаб, халқаро майдонда ҳам обрў-эътибор қозонди.

Таниқли олим ўзининг қарийб 50 йиллик илмий-педагогик фаолияти давомида қишлоқ хўжалиги иқтисодиётини ривожлантириш бўйича кўплаб дарслик ва ўқув қўлланмалари, илмий монография, патент ҳамда методик қўлланмалар яратди. Ёшларнинг меҳрибон ва талабчан устози сифатида ўнлаб фан докторлари ва номзодларига илмий раҳбарлик қилди.

Ў.Умурзоқов мамлакатимиз илмий ва педагогик жамоатчилиги ўртасида кўзга кўринган йирик олим, тажрибали раҳбар ва донишманд устоз сифатида катта ҳурмат ва эътибор қозонган эди.

Ўзининг сермазмун ҳаёти ва ибратли фаолиятини ёш авлодимизни баркамол инсонлар этиб тарбиялашдек эзгу ишга бағишлаган заҳматқаш олим, тажрибали педагог, самийи ва камтарин инсон Ўктам Умурзоқовнинг ёрқин хотираси қалбларимизда доимо сақланиб қолади.

Дўстлари ва ҳамкасблари номидан.

Спорт оламида тўрт йилликнинг энг муҳим мусобақаси тобора авж паллага кириб бормоқда. Токиода ўтаётган ХХХІІ ёзги олимпиада ўйинлари бир қатор жиҳатлари билан тилга тушаяпти. Қуйида шу ҳақда тўхталамиз.

ВИРУСЛАРДАН ПАНА ҚИЛИБ, УЛУҒБЕГИМ ҚУЧГАЙМАН

ТОКИОДА ЯНГРАГАН, МАДҲИЯМСАН – ВАТАНИМ!



БЮДЖЕТ. Тежамкор японлар олимпиада бюджетини 7 миллиард АҚШ доллари атрофида, деб баҳолашган эди. Кутилмаганда харажатлар 20 миллиард доллардан ошди. Алоҳида эътиборга молик жиҳат: пандемия сабабли мусобақаларни бир йилга кечиктириш нақд 2,8 миллиард долларга тушган!

КОРОНАВИРУС. Қатъий тартиб ўрнатилган. Аэропортда меҳмонларни кутиб олиш жараёнидаёқ, ҳар бир спортчи, техник персонал ходимлари жидий текширувдан ўтмоқда. Беллашувларни томоша қилиш учун ареналарга муҳлислар кириши чекланган. Бироқ, шунга қарамай барибир коронавирус олимпиадани забт этди. Шу чоққача 123 нафар спортчи, 79 нафар бошқа меҳмонлар вирусни юктириб олди ва айни пайтда даволанаяпти.

КЎҲНА ПОЙГА. Олимпиада – шунчаки спорт мусобақалари эмас. Давлатлар ўртасидаги буюк кураш, соғлом рақобат, ривожланганлик, соғлом турмуш тарзига эътибор индекси ҳамдир. Хитой охириги уч олимпиадада медаллар жамғариш бўйича пешқадамга айланиб, мамлакат жаҳон спорти марказларидан бирига айланганини баралла айтди. Бу сафар ҳам баҳс қизғин.

Дастлаб Хитой етакчиликини қўлга олган бўлса, кечаги (27.07.2021) санага келиб, тонгда Қўшма штатлар етакчиликини қўлга олди. Мухтасар айтганда, барча йўналишларда шиддатли кураш кетаяпти. Уларнинг энг яқин рақобатчилари – Япония, Буюк Британия, Россия.

БУЮК ЧУСО. Гимнастика бўйича АҚШ терма жамоаси вакиллари твиттердаги аккаунтида Оксана Чусовитина билан суратга тушди ва шундай изоҳ ёзди: "Буюк Чусо билан". Бу сурат ва изоҳ ижтимоий тармоқларда роса машҳур бўлди. Баҳсларда ўз чиқишларини намойиш этган Чусовитина спортча ирода ва матонат тимсоли сифатида эътироф этилди, олимпия жамоатчилиги уни тик оёқда туриб, қарсақлар билан кузатиб қолди. Бу онлар – худди Марадона футбол билан хайрлашган ёки Зидан катта спортни тарк этган пайтлар каби ҳаяжонли, спорт

учун тарихга муҳрланган лаҳзалар эди. Токиода ҳам Чусо муваффақиятли чиқиш қилди; ҳаммани йиғлатди; ўзи ҳам йиғлади. Унинг жасоратга тўлиқ машқлари, ўз чиқишлари 8 та кетма-кет олимпиада, катта спортга баҳида қилинган 30 йил изҳори бўлиб янгради.

СТАТИСТИКА:

...25 июль тонгида Ўзбекистон аҳли бир исми тинмай тақорлар, қандайдир дақиқалар, сонияларда 19 яшар йигит халқ қаҳрамони, элнинг суюқлисига айланиб қолди. Буюк британиялик спортчи мағлуб бўлган сонияларда Улуғбек Рашитов Токио жанггоҳидан (даян) миллатнинг қалб тўрига тўппа-тўғри кириб келди.

Шарқ яккакурашларидан бўлган таэквондо спорт тури Жанубий Осиёда оммалашган. Хусусан, корейс, япон халқла-



ри орасида анча машҳур. Улуғбек ярим финалда жанубия корейлик таэквондо юлдузини мағлубиятга учратгани, шу маънода, томошабинларни икки қарра ҳайратга солди.

Ўзбекистонлик таэквондочи илк марта олимпиадада олтин медалга сазовор бўлди. Ўта кескин ва мурасиз курашларга бой бўлган беллашувда ҳамюртимиз 34:29 ҳисобида ғалабага эришиб, олтин медални ўзиники қилди.

Эслатиб ўтамиз, -68 кг вазн тоифасида олимпиадага келган ўзбекистонлик 19 ёшли таэквондочи Улуғбек Рашитов шу тарихи таэквондочиларимиз орасида Олимпия ўйинларида олтин медални қўлга киритган илк вакилимизга айланди. Унинг ғалабаси иштирок этадиган вакилларимизга катта мотивация бағишлайди.

Тоштемир ХУДОЙҚУЛОВ, "Ўзбекистон овози" муҳбири.

QISHLOQQURILISHBANK

ONLINE
муддатли омонатини
таклиф этади



Муддати: 6 ой
Йиллик фоиз ставкаси: 21%
Маблағлар "QUANT" мобиль иловаси орқали қабул қилинади

"Қишлоқ қурилиш банк" — фаровон ҳаётингиз хизматида!

www.qqb.uz
t.me/qqbank

78 150 00 55 1254
Хизматлар лицензияланган.

O'zbekiston ovozi

MUASSIS:



TAHRIR HAY'ATI:

Ulug'bek INOYATOV
Ulug'bek VAYFOYEV
Maqsuda VORISOVA
Qalandar ABDURAHMONOV
Guliston ANNAQILICHEVA
Muslihiiddin MUHIDDINOV
Hayotxon ORTIQBOYEVA
Shuhrat ISLOMOV
Toشتهмир XUDOYQULOV

Bosh muharrir: To'liqin TO'RAXONOV

E-mail: info@uzbekistonovozi.uz

MANZILIMIZ: 100000, Toshkent, Bunyodkor ko'chasi, 50 «A»-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonaning manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Navbatchi: Ravshan SHODIYEV
Sahifalovchi-dasturchi: Bekzod ABDUNAZAROV

Г — 741. 20389 nusxada bosildi.
Nashr ko'rsatkichi — 220.
t — Tijorat materiallari

O'za yakuni — 21:50
Topshirilgan vaqti — 22:25.



Газетанинг электрон саҳифасига ўтиш учун QR-кодни телефонингиз орқали сканер қилинг.

1 2 3 4 5 6

Sotuvda kelishilgan narxda